



Broj: 02-05-1- 2684 /18
Datum, 04.12.2018.godine

Z A P I S N I K

Sa 22. sjednice Općinskog vijeća Maglaj
održane dana 04.12.2018.godine u 09,00 sati u sali
JU Dom kulture «Edhem Mulabdić» Maglaj

Predsjedavajuća OV, na osnovu člana 59. Poslovnika o radu Općinskog vijeća, zaključaka Kolegija od 27.11.2018.godine, Programa rada Općinskog vijeća za 2018. godinu i ukazane potrebe otvaram 22. redovnu sjednicu Općinskog vijeća.

Na današnju sjednicu pozvani su vijećnici iz parlamentarnih političkih stranaka SDA-a, SDP-a, SBB, DF, HDZ, Stranke za BiH, samostalni vijećnici Mustafa Buljubašić, Mustafa Bešić, Fikret Delić i Kanita Bašić.

Poziv na sjednicu i materijal dostavljeni su OSCE-u Terenski ured Travnik, sredstvima informisanja koji prate rad današnje sjednice Općinskog vijeća.

Pozvan je Općinski načelnik, rukovodioci općinskih Službi, Općinska pravobraniteljica, predstavnici Javnih ustanova i Javnih preduzeća, kao i predstavnici čiji materijali će biti razmatrani na današnjoj sjednici Općinskog vijeća.

Sve vas pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju domovinu nam Bosnu i Hercegovinu i svim žrtvama rata.

Molim predstavnika Službe Općinskog načelnika i Općinskog vijeća da prozivkom vijećnika utvrdimo broj vijećnika na 22. redovnoj sjednici Općinskog vijeća.

Današnjoj sjednici Općinskog vijeća prisustvuje 21 vijećnik.

Nisu prisutni vijećnici Avdić Selma, Buljubašić Mustafa, Hasanić Šefka i Muminović Ermina

Gospodin Buljubašić Mustafa je najavio svoj izostanak, ostali vijećnici nisu najavili niti opravdali svoj izostanak.

Konstatujem da Općinsko vijeće može punovažno raditi i odlučivati i donositi odluke, zaključke i rješenja. Ovim je ispoštovan član 88. Poslovnika o radu Općinskog vijeća Maglaj.

Na današnjoj sjednici izvršit ćemo verifikaciju zapisnika sa 21. redovne sjednice Općinskog vijeća.

Da li ima primjedbi na zapisnik sa 21. redovne sjednice?

Vijećnik Mirza Bradarić, vezano za zapisnik na strani 8. kaže „Dana 02.10.2018.godine Komisija se sastala kako bi pregledala pristigle prijave u roku utvrđenom oglasom. Radeći u punom sastavu, Komisija je konstatovala da je do krajnjeg roka za prijavu, koji je istekao 27.09.2018.godine pristiglo četiri prijave kako slijedi : Nina Bradarić, Elmedina Kamarić-Omerović“. Nije Elmedina, nego Eldina, pa molim da se to ispravi radi zapisnika.

Jednoglasno je verifikovan zapisnik sa 21. sjednice Općinskog vijeća uz predloženu sugestiju.

Predsjedavajuća OV, otvaram raspravu po pitanju dnevnog reda koji ste dobili u sazivu. Jedina sugestija koja vam je putem maila i upućena jeste da se naziv četvrte tačke dnevnog reda samo treba preimenovati u Odluku o izmjeni Regulacionog plana „Centar Maglaj – južni dio“ kako ste dobili u materijalu, tako je i naslovljena u materijalu. Da li ste slažete o izmjeni četvrte tačke dnevnog reda, ko je za?

Vijećnik Mirza Bradarić, u pozivu za sjednicu stoji sazivam 21. sjednicu Općinskog vijeća Maglaj, po našoj evidenciji je 22. sjednica.

Predsjedavajuća OV, 22. je sjednica, ja sam i otvorila 22. sjednicu Općinskog vijeća.

Nema više primjedbi, zaključujem diskusiju i pročitat ću predloženi dnevni red uz izmjenu 4. tačke dnevnog reda kako smo se i usaglasili.

D N E V N I R E D

1. **Nacrt Budžeta/Proračuna Općine Maglaj za 2019. godinu;**
2. **Nacrt Odluke o izvršavanju Budžeta/Proračuna Općine Maglaj za 2019. godinu;**
3. **Rješenje o konačnom imenovanju člana Upravnog odbora Javne ustanove „Dječiji vrtić“ Maglaj;**
4. **Odluka o izmjeni Regulacionog plana „Centar Maglaj-južni dio“ ;**
5. **Prijedlog Odluke o sigurnosti saobraćaja na cestama općine Maglaj;**
6. **Odluka o izmjeni sadržaja pečata i njegova izrada za potrebe Općine Maglaj;**

7. **Nacrt Strategije razvoja turizma općina Maglaj 2019 – 2024. godina;**
8. **Nacrt Odluke o izmjeni i dopuni Odluke o općinskim administrativnim taksama i tarifi općinskih taksi;**
9. **Informacija o stanju socijalne zaštite i prijedlozi mjera za poboljšanje iste na teritoriji općine Maglaj za period 01.01. – 30.06.2018.godine;**
10. **Informacija o zdravstvenom stanju stanovništva općine Maglaj za 2018. godinu (01.01.-30.06.2018);**
11. **Informacija o sportu na području općine Maglaj, sa pokazateljima o sportskim rezultatima, stanju sporta i sportskih objekata za 2018.godinu;**
12. **Informacija o radu Radne grupe za provođenje aktivnosti vezanih za rad i funkcionisanje Mjesnih zajednica na području općine Maglaj, sa prijedlogom narednih aktivnosti;**
13. **Odluka o uvođenju Jedinственог регистра MZ.**

Obzirom da su Nacrt Budžeta/Proračuna Općine Maglaj i Nacrt Odluke o izvršavanju vezane, da diskutujemo i u okviru 1. i 2. tačke zajedno, a kad budemo odlučivali da glasamo odvojeno.

Vijećnik Safet Jašić, ja sam izašao iz razloga 13. tačka ne bi imali ništa protiv neka ide sve ovako kako stoji u sazivu, međutim, nemamo nikakvog materijala po pitanju 13. tačke. Iz tog razloga Klub SDA predlaže da se skinu i na prvu narednu sjednicu koja bude da nam se dostavi nešto materijala da vidimo o čemu se radi i mi ćemo bit za to.

Predsjedavajuća OV, ja vam mogu obrazložiti, ovdje će se u okviru 13. tačke jer sam i ja pitanje postavila Službi, odnosno radnoj grupi zašto nismo dobili materijal. Oni će zapravo predložiti samo da uđemo u poduzimanje koraka za donošenje ovakve Odluke. Znači nećemo je danas ni donijeti, nego ćemo donijeti samo Odluku o pokretanju postupka formiranja registra mjesnih zajednica, zato i nemamo materijala, da kažemo da je došlo vrijeme da se i to uradi. Tu je Radna grupa tako da vam oni mogu potvrditi da će to biti tako. Stavljam dnevni red na usvajanje.

Glasalo 21 glasa za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF), Josip Jurišić (HDZ), Fikret Delić, Mustafa Bešić, Kanita Bašić samostalni vijećnici, Adis Abdurahmanović, Nedžad Alispahić, Mirsad Bejić, Delić Edib, Safet Jašić, Edina Jašić, Smajlović Dženita, (SDA).

AD - 1 Nacrt Budžeta/Proračuna Općine Maglaj za 2019. godinu;

AD – 2 Nacrt Odluke o izvršavanju Budžeta/Proračuna Općine Maglaj za 2019. godinu;

Senada Alibajraktarević, uvodno izlaganje

Pred nama je Nacrt Budžeta/Proračuna Općine Maglaj za 2019. godinu. Kao što ste vidjeli u materijalu Budžet za narednu godinu planiran je u iznosu od 8.451.305,00 KM i u odnosu na Budžet Općine Maglaj za 2018. godinu veći je za 6,82% ili 539.549,00 KM. U materijalu ste dobili tabelarni pregled Nacrta Budžeta/Proračuna Općine Maglaj, obrazloženje, tako da ja ne bi elaborirala sve ove stavke koje imate u materijalu. Uz Nacrt ste dobili i Mišljenje Kantonalnog Ministarstva finansija na ponuđeni Nacrt Budžeta/Proračuna Općine Maglaj za 2019. godinu i vas bih jedino zamolila da ostavite rok Službi za privredu, finansije i razvoj poduzetništva da zajedno sa Općinskim načelnikom organizuje i provede javnu raspravu na ponuđeni Nacrt u roku od narednih deset dana kako bi imali dovoljno vremena da do kraja ove godine usvojimo konačan prijedlog Budžeta. Ukoliko budete imali nekih pitanja stojim vam na raspolaganju.

Otvaram raspravu

Vijećnik Mirza Bradarić, Što se tiče Nacrta Budžeta/Proračuna Općine Maglaj za 2019. godinu, obzirom da i sam naziv tačke kaže da je nacrt, ja ću samo reći da će Klub SDP-a prihvatiti ovaj nacrt. Obzirom da će ići u javnu raspravu, mi ćemo sigurno dostaviti i svoje prijedloge vezano za ovu tačku dnevnog reda kada bude javna rasprava, a samim tim dobili smo i Mišljenje Ministarstva finansija ZDK koji nemaju ništa protiv ovog Nacrta Budžeta, tako da ćemo i mi bez problema prihvatiti da ide u daljnju proceduru.

Vezano za drugu tačku dnevnog reda isto kao i za prvu.

Vijećnik Josip Jurišić, U ime HDZ mi ćemo prihvatiti Nacrt Proračuna, nema smisla da ga ne prihvatimo. Svoje prijedloge ćemo dati kad bude javna rasprava pa ćemo vidjeti kad bude konačan prijedlog na kraju mjeseca kako ćemo se ponašati.

Predsjedavajuća, zaključujem raspravu i dajem na glasanje

Z A K L J U Č A K

1.1. Usvaja se Nacrt Budžeta/Proračuna Općine Maglaj za 2019. godinu.

1.2. Otvara se javna rasprava u trajanju od 10 dana.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF), Fikret Delić, Mustafa Bešić, Kanita Bašić samostalni vijećnici, Josip Jurišić (HDZ),

Glasalo 7 glasova uzdržanih: Adis Abdurahmanović, Nedžad Alispahić, Mirsad Bejzić, Delić Edib, Safet Jašić, Edina Jašić, Smajlović Dženita, (SDA).

Pristupila je vijećnica Šefka Hasanić, tako da vijeće radi sa 22 vijećnika.

Dat je na glasanje

Z A K L J U Č A K

2.1. Usvaja se Nacrt Odluke o izvršavanju Budžeta/Proračuna Općine Maglaj za 2019. godinu.

2.2. Otvara se javna rasprava u trajanju od 10 dana.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF), Fikret Delić, Mustafa Bešić, Kanita Bašić samostalni vijećnici, Josip Jurišić (HDZ),

Glasalo 8 glasova uzdržanih: Adis Abdurahmanović, Nedžad Alispahić, Mirsad Bejzić, Delić Edib, Šefka Hasanić, Safet Jašić, Edina Jašić, Smajlović Dženita, (SDA).

AD – 3 Rješenje o konačnom imenovanju člana Upravnog odbora Javne ustanove „Dječiji vrtić“ Maglaj;

Emina Hasanić, - uvodno izlaganje

Dana 20.09.2018.godine Općinskom vijeću Maglaj podnesena je ostavka od strane člana Upravnog odbora JU „Dječiji vrtić“ Maglaj, gospođe Tatjane Bajraktarević. Obzirom da Općinsko vijeće imenuje i razrješava dužnosti članove Upravnog odbora u reguliranom organu Općine Maglaj, Općinsko vijeće na svojoj 21. redovnoj sjednici donosi Odluku o razrješavanju člana Upravnog odbora JU „Dječiji vrtić“ Maglaj, te se istom za provođenje procedure imenovanja novog člana ovlašćuje Općinski načelnik, da ovlasti ranije imenovanu Komisiju za izbor na pozicije u reguliranom organu Općine Maglaj, odnosno izbor člana Upravnog odbora JU „Dječiji vrtić“ Maglaj.

Dana 31.08.2018.godine, Općinski načelnik donio je Rješenje o imenovanju Komisije za izbor na pozicije u reguliranim organima općine Maglaj, odnosno Komisiju za izbor dva člana Upravnog odbora JU „Dječiji vrtić“ Maglaj, te je ta ista Komisija bila u sastavu od gospođe Džeraldine Delić, ispred reda stručnog osoblja, gospodin Armin Kalabić, ispred reda vijeća roditelja, te gospođa Emina Hasanić, ispred osnivača.

Zadatak Komisije je shodno principima Zakona o ministarskim, vladinim i drugim imenovanjima Federacije BiH i Odlukom o postupcima, standardima i kriterijima imenovanja na pozicije u reguliranim organima općine Maglaj bio

- da pripremi tekst oglasa za upražnjene pozicije,
- Objavi oglas na najefikasniji mogući način u „Službenim novinama Federacije BiH“ i barem jednom dnevnom listu velikog tiraža s ciljem da bude dostupan široj javnosti,
- Pregleda pristigle prijave u roku utvrđenom oglasom,
- Sastavi listu s užim izborom uspješnih kandidata koji ispunjavaju kriterije za izbor,
- Obavi intervju sa kandidatima koji su ušli u uži izbor,
- Kandidatima koji su ušli u uži izbor traži popunjavanje obrasca u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja,
- Od kandidata koji su ušli u uži izbor traži da daju podatke o odgovarajućem broju ranijih neposrednih rukovodioca od kojih se mogu dobiti preporuke i informacije o kandidatima.
- Odgovornom javnom službeniku, Općinskom vijeću Maglaj, predloži pismenom preporukom rang listu sa najboljim kandidatima na dalje razmatranje i
- Nakon izbora kandidata od strane Općinskog vijeća Maglaj izraditi rješenje o konačnom imenovanju i isto objaviti u „Službenim novinama Općine Maglaj.“

Dana 06.11.2018.godine Komisija je radeći u punom sastavu pripremila tekst javnog konkursa i jednoglasno se složila da isti ide u proceduru objavljivanja, s tim da će skraćena verzija konkursa biti objavljena u dnevnom listu „Oslobođenje i „Službenim novinama Federacije BiH“, kao i na RTV Maglaj, a integralni tekst javnog konkursa će biti objavljen na web stranici Općine Maglaj i oglasnoj ploči Općine Maglaj.

Tekst za navedeni Javni konkurs na upražnjene pozicije je objavljen u Službenim novinama Federacije BiH, dana 09.11.2018.godine, u dnevnom listu Oslobođenje 08.11.2018.godine, na web stranici općine Maglaj 08.11.2018.godine, na Oglasnoj ploči Općine Maglaj 08.11.2018.godine, te na RTV Maglaj 08.11.2018.godine.

Dana 23.11.2018.godine Komisija se sastala kako bi pregledala pristigle prijave u roku utvrđenom oglasom. Radeći u punom sastavu, Komisija je konstatovala da je do krajnjeg roka za prijavu, koji je istekao 22.11.2018.godine pristigla jednaprijava kako slijedi -Tarik Ustalić nakon toga Komisija je pristupila otvaranju prijave.

Obzirom da je kandidat prema priloženoj dokumentaciji ispunjavao sve opće i posebne uvjete, odnosno da je prijava formalno pravno ispravna, konstатовano je da kandidat automatski ulazi u uži izbor, te će biti pozvana intervju.

Isti je pozvan telefonskim putem na intervju, koji je zakazan za dan 27.11.2018.godine u 10 sati.

Na intervju se odazvao pozvani kandidat.

Prilikom provođenja intervjua, dana 27.11.2018.godine, kandidat je popunio traženi obrazac, u kojem se mogle iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja na poziciju u reguliranom organu Općine Maglaj – Upravni odbor JU „Dječiji vrtić“ Maglaj. Kandidat je naveo da nema pitanja.

Nakon provedenog intervjua, održanog dana 27.11.2018.godine Komisija je na obrascu za ocjenu kandidata o ispunjavanju posebnih uslova iz člana 8. tačka f) do h) Odluke o postupcima, standardima i kriterijima imenovanja na pozicije u reguliranim organima Općine Maglaj, za članove Upravnog odbora izvršila ocjenu kandidata. Članovi komisije su bili saglasni prilikom davanja ocjena, te jednoglasni u obrazlaganju prednosti.

S obzirom na sve navedeno, te poštujući ulogu Komisije za izbor na pozicije u reguliranim organima općine Maglaj – člana Upravnog odbora JU „Dječiji vrtić“ Maglaj, koja nam je povjerena, Općinskom vijeću dostavili smo Prijedlog Rješenja o konačnom imenovanju člana Upravnog odbora Javne ustanove „Dječiji vrtić“ Maglaj uz Pisanu preporuku i rang listu kandidata prijavljenog na Javni konkurs za imenovanje/ nominovanje kandidata na upražnjene pozicije u reguliranom organu Općine Maglaj – Upravni odbor JU „Dječiji vrtić“ Maglaj.

Otvorena je rasprava

Vijećnica Šahman Anida, Klub vijećnika SDP-a će podržati prijedlog Rješenja o konačnom imenovanju člana Upravnog odbora Javne ustanove „Dječiji vrtić“ Maglaj.

Predsjedavajuća, zaključujem raspravu i dajem na glasanje

Z A K L J U Č A K

3.1. Usvaja se Rješenje o konačnom imenovanju člana Upravnog odbora Javne ustanove „Dječiji vrtić“ Maglaj.

- Tarik Ustalić

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF) Fikret Delić, Mustafa Bešić, Kanita Bašić samostalni vijećnici, Josip Jurišić (HDZ).

Glasalo 8 glasova uzdržanih: Adis Abdurahmanović, Nedžad Alispahić, Mirsad Bejić, Delić Edib, Šefka Hasanić, Safet Jašić, Edina Jašić, Smajlović Dženita (SDA).

AD - 4 Odluka o izmjeni Regulacionog plana „Centar Maglaj-južni dio“ ;

Fuad Hajrulahović – uvodno izlaganje

U sazivu materijala dobili ste i prijedlog Odluke o pristupanju izmjene Regulacionog plana Maglaj centar – južni dio. Vi znate da već duži niz godina Regulacionim planom grada Maglaja južni dio, prostor između OŠ „Maglaj“ i JU „Dječiji vrtić“ i Sportske dvorane je predviđen prostor za izgradnju sportsko-rekreacionih terena sa otvorenim i zatvorenim bazenom. Kroz sve ove godine pokušavali smo naći investitora koji bi to uradio, međutim nije niko bio zainteresovan, a s obzirom da se radi o vrlo skupoj investiciji i teško isplativoj investiciji. Mnogi stranci koji dolaze u općinu Maglaj, kao i domaći posjetioci iz drugih gradova vrlo često hvale Maglaj grad kao lijep grad i svi kažu sve vam je dobro samo nemate park. Jedan gradski veći park nemate uređen. Sagledavajući situaciju izgradnje tog parka, mi smo došli sa prijedlogom koji smo i danas vama predložili na Općinsko vijeće, da se izvrši izmjena Regulacionog plana Maglaj centar – južni dio, da se na prostoru na kome su bili predviđeni sadržaji sportsko rekreacioni tereni sa otvorenim i zatvorenim bazenom da se taj prostor u površini od cca 6000 m² promijeni i da se u izmjeni Regulacionog plana na tom prostoru predvidi izgradnja jednog većeg gradskog parka. Također vidjeli ste iz materijala da smo mi kroz kandidovanje višim nivoima vlasti obezbijedili i početna sredstva za izgradnju jednog parka u Maglaju u visini od 70, 71.000,00 KM. S obzirom da se ovdje radi o prostoru koji je ograničen praktično sa dvije saobraćajnice i objektima Dječijeg centra i poligona i da bi ovo bio nastavak izgradnje jednog gradskog parka odnosno nastavak izgradnje parka djeci poginulim u ratu i Služba predlaže Općinskom vijeću da ovaj prijedlog Odluke prihvati. Također predlažemo, s obzirom da se tu neće dešavati velike

izmjene po pitanju Reg. plana. infrastruktura, izmjena saobraćajnica ostaju iste. Predlažemo da se tu provede postupak po skraćenom postupku.

Otvorena je rasprava

Pauza za Klub SDA

Vijećnik Safet Jašić, ja ću iznijeti stav Kluba poslije ove pauze, kada je u pitanju Odluka o izgradnji gradskog parka. Iznijet ćemo i stavove, a ima i pitanja. Mi smatramo da je ovo izuzetno važna tačka dnevnog reda.

Postavljamo pitanje je li to Maglaj definitivno ostaje bez lokacije za bazene?

Smatramo da je bazen od izuzetne važnosti za ovakav grad i izgradnjom ovog parka, mi smatramo da bi definitivno izgubili tu lokaciju kada sagledamo i pošto svi poznajemo dovoljno grad. Ovo je posljednja lokacija koja je ostala za izgradnju ovakvog objekta. Smatramo da ovu lokaciju za bazen treba i dalje čuvati. Što se tiče parka ako treba nešto uraditi, doraditi, imamo mi lijepih parkova, nije tačno da nemamo. Imamo malih parkova između zgrada koja treba doraditi. Nismo rekli da ne treba još parkova, ali mislimo da je ovo prioritet u odnosu na gradski park. U neposrednoj blizini gdje je planirana izgradnja ovog parka je Dječiji vrtić. Mi znamo, vrijeme je čudno, posebno ovo vrijeme gdje u ovakvim parkovima ne izlaze samo gospoda koja će doći sjediti, odmoriti se, udahnuti čistog zraka. Tu bude svega, pijančenja i drugih stvari, ali u neposrednoj blizini djece i obzirom da je tamo Dječiji vrtić i iz tog razloga smatramo da ne treba doći do izgradnje ovog gradskog parka. Rekao sam da nije tačno da Maglaj ima, Maglaj je uvijek bio lijep i uvijek je bio jedan od najljepših gradova i ima sasvim dovoljno parkova i naš je prijedlog da se ide u doradu svih parkova između zgrada. Ja sam vidio i dječijih igrališta ima. Imamo ovaj prelijep park i smatramo da ovo treba da ostane. Ako treba da se radi park da se ostavi lokacija – prostor za bazen. Iz tog razloga Klub vijećnika SDA neće podržati ovu odluku, ali ujedno razmotrite i vi naše prijedloge, pa malo ako ima potrebe, ako nema.

Vijećnik Hajrudin Fermić, ovo je ne mogu reći replika, ali zaista reakcija na diskusiju kolege Jašića. Naime, slušajući ovo što govori, sjetio sam se perioda od 2010. Do 2013. godine, kada je tadašnja općinska administracija, naravno uz prethodnu saglasnost Općinskog vijeća u kojem mnogi sjede ovdje, prodavala, davala to zemljište bukvalno za marku, ogromna sredstva su i uložena u idejna rješenja itd., a sve u cilju da se tamo napravi kompleks bazena. Dugo je taj javni poziv bio i nekoliko puta ponavljan. Nije bilo zainteresovanih investitora i to sve stoji 7 ili 8 godina. Dakle, sve je pokušano da se taj investitor dovede, da mu se malte ne besplatno to zemljište da. I ne trebamo to zaboraviti. Ono s druge strane, što je činjenica jeste da onaj prostor je upravo u svom kompleksu i ovako kako je zamišljen zaista bi odavao jedno estetsko dobro rješenje koje bi se uklapalo kako sa Spomen kućom za ubijenu djecu civilne žrtve rata, tako isti i u blizini ovih obrazovnih institucija i Dječijeg vrtića, pa i Sportske dvorane. To je jedno i drugo naravno ono što mi javno i ovako govorimo da nam se to šetalište ne završava sa soliterom, nego da se produži tamo do onih dijelova ulice, da imamo jedno gradsko šetalište, mislim da bi ovaj park također pomogao u toj priči. Naravno treće, ja koliko znam ništa nije zakovano, daj bože da se pojave investitori. Mi smo i do sad bili ovako spremni da vrlo efikasno i brzo i mijenjamo Regulacione planove, a ja koliko znam svojim tokom ide izmjena i prostornog plana, nakon toga će ići i izmjene ostalih svih planova onih niže kategorije, nižeg ranga, tako da i u tom periodu će sasvim sigurno biti jedan dobar test za te potencijalne investitore i iznutra iz Maglaja, a i sa strane za eventualno neku drugu gradnju, prije svega ovo što vi govorite. Ja sam izašao samo da podržim ovaj prijedlog pristupanja izmjene Regulacionog plana a u cilju izgradnje ovog rekreacionog centra.

Mirsad Mahmutagić, gospodin Fermić je dosta toga obrazložio. Mi ne odustajemo ni od kakvog bazena, samo odustajemo od lokacije. Ovu lokaciju možete posmatrati i sa druge strane. Možete posmatrati da bi tu bio otvoreni bazen, gdje bi bili „golači“ pokraj obdaništa, pokraj škole, Sportske dvorane itd. S druge strane, ni jedan investitor, davalo se za marku pa nije bilo. Ni jedan investitor neće platiti zemljište po ovoj cijeni koja je tržišna. Bazen se može napraviti od Kosove do Bradića, od Ulišnjaka do Bijeje Ploče, Liješnice itd., tamo gdje je jeftinije zemljište. To je nešto što ćemo rješavati.

Za vašu informaciju da znate stanje, rezultat dugogodišnjeg stanja u Maglaju i motel „Bistrica“ više nije u vlasništvu vlasnika koji je bio donedavno i koji je radio. Banka je to uzela pod svoje, do kad će raditi i u ovom obliku je pitanje kad će biti prodat, da li će biti prodat, ko će ga kupiti i u kakvom će obliku poslije biti vidjet ćemo. Firma „Mapex“ je također u postupku likvidacije i to je pitanje kad će ovaj hotel otići u prodaju, ko će ga kupiti u kakvom će stanju naredno biti itd.

Ne odustajemo ni od čega, ne odustajemo ni od bazena. Nadamo se da će doći neko ko je zainteresovan da to uradi, ali u ovom trenutku smatramo, a i slušajući i gospodin Hajrulahović je rekao mnoge delegacije, osobe koje su dolazile u Maglaj su sugerisale ove stvari. Nismo đaba krenuli u ovu proceduru i nismo đaba na lagan jednostavan način i dobili preko 70.000,00 KM da krenemo u ovu proceduru, s obzirom na obrazloženje ovog projekta koji je otišao prema Fondu.

Predsjedavajuća, zaključujem raspravu i dajem na glasanje

Z A K L J U Č A K

4.1. Donosi se Odluka o izmjeni Regulacionog plana „Centar Maglaj-južni dio“, po skraćenom postupku.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (S BiH), Hajrudin Ferić (DF) Fikret Delić, Mustafa Bešić, Kanita Bašić samostalni vijećnici, Josip Jurišić (HDZ).

Glasalo 8 glasova uzdržano: Adis Abdurahmanović, Nedžad Alispahić, Mirsad Bejzić, Delić Edib, Safet Jašić, Šefka Hasanić, Edina Jašić, Smajlović Dženita (SDA).

AD – 5 Prijedlog Odluke o sigurnosti saobraćaja na cestama općine Maglaj;

Mirza Mešić, uvodno izlaganje

Ovo je već jednom bilo na Vijeću u vidu nacrtu i mi smo te sugestije uvažili i uvrstili u Prijedlog Odluke. Ukoliko neko još ima neko dodatno pitanje ili prijedlog da se uvrsti u Odluku, mi smo tu.

Otvorena je rasprava

Vijećnik Mirza Bradarić, ja imam dva prijedloga u ime Kluba SDP-a i nadam se da će se gospodin Mešić izjasniti da li je to moguće ili ne.

Član 16. 1 stav kaže : „Zabranjuje se kretanje vozila na lokalnim cestama na području Općine, čija ukupna masa prelazi 15 t osim vozila za snabdjevanje“. Mi smo samo malo proširili ovaj stav koji kaže „Zabranjuje se kretanje vozila na lokalnim cestama na području općine i ulicama u užem području grada, čija ukupna masa prelazi 15 tona, osim vozila za snabdjevanje“. Neko će postaviti pitanje a šta je sa autobusima, ja sam se raspitao i dobio sam informaciju da ni jedan autobus ne prelazi ukupnu masu od 15 t. Znači samo da proširimo i sa ulicama u užem području grada.

Drugi prijedlog je član 46. i o ovim stvarima smo razgovarali kada su u pitanju kamere na izlazima ili ulazima u Maglaj. Znači član 46. stav 3. kaže: „Period za postavljanje video nadzora je 12 mjeseci nakon objavljivanja Odluke u Službenim novinama“.

Ja mislim da to baš i nije realno, jer koliko znam imamo Nacrt Budžeta i u Nacrtu Budžeta nema stavki navedenih za ove stvari, tako da bi smo mi predložili da to bude period za postavljanje video nadzora najmanje 12, a najviše 36 mjeseci, nakon objavljivanja Odluke u „Službenim novinama Općine Maglaj“. Kako se mogao uraditi elaborat, koliko to i košta itd. tako da su to dva prijedloga tih izmjena.

Predsjedavajuća OV, ako mogu ja sugerisat obzirom da član 16. podrazumijeva da će Općinski načelnik donijeti Pravilnik na osnovu kojeg će se to regulisati, mislim da tu možete decidnije kazati našto se konkretno odnosi.

Vijećnik Mirza Bradarić, ja sam rekao član 16. Stav 1., ali evo pročitat ću i stav 2. koji kaže: “ Ukoliko postoji interes lokalne zajednice Načelnik će donijeti Pravilnik na osnovu kojeg će se moći odobriti privrednim subjektima i fizičkim licima kretanje motornih vozila većom ukupnom masom od dozvoljene, a u skladu sa Pravilnikom o prekomjernom opterećenju cesta na području FBiH“.

Ja sam iznio dva prijedloga, pa ću zamoliti gospodina Mešića ako može sa stručne strane da nam kaže da li je to moguće kako i na koji način.

Vijećnik Hajrudin Ferić, drago mi je da imamo tekst ove Odluke pred nama i da donošenjem iste želim da izrazim svoje zadovoljstvo, što jedno ovako krupno pitanje rješavamo i Odlukom Općinskog vijeća. Svi mi znamo iz prethodnog perioda u kakvom je haosu stanje saobraćaja na lokalnim cestama i gradskim ulicama bilo i koliko je bilo zaista primjedbi, pritužbi, prijedloga samih građana, stanara pojedinih dijelova grada, ali isto tako i naseljenih mjesta na općini, vezano za regulaciju saobraćaja. Ovo je odlična prilika da i ovaj Savjet za bezbjednost saobraćaja kojeg imamo i koliko ja znam vrlo dobro i korektno radi svoj posao, konačno i operativno može dosta toga da pomogne za daljnje unapređenje bezbjednosti saobraćaja.

Što se tiče prijedloga koje smo čuli u diskusiji, ja želim da podcrtam i to mi ostalo nekako upečatljivo u članu 16. ovaj dio „ukoliko postoji interes lokalne zajednice, Načelnik će donijeti“, ja predlažem da se izbriše ovaj dio rečenice ukoliko postoji interes lokalne zajednice. Načelnik će svakako donijeti i treba da donese taj Pravilnik i u njemu svakako da reguliše sve ono što smatra da treba da bude regulisano, a ukoliko postoji potreba mi već godinama govorimo da postoji potreba, tako da ne bi trebalo tu da dovodimo ni u kakvu dilemu niti da otežavamo posao Načelniku.

Vijećnik Mustafa Bešić, imam jedno pitanje, pošto se nalazi predsjednik Komisije. Ležeći policajac na dionici puta Novi Šeher-Mladoševica-Domislica, tačnije na okreti. Postavljen na jednoj uzbrdici, po meni, mislim da ono nije u redu i da ne može ondje da bude postavljen. Imamo zimu gdje mi nećemo moći se voziti gdje nam treba brzina da bi izašli tim putem. Ja pitam da li je to postavljeno po zakonu, ko je to odobrio itd. Pita narod o čemu se radi, a ja mislim da ste vi upoznati da je gore postavljen ležeći policajac.

Mirsad Mahmutagić, općinski načelnik, želim da pohvalim ovaj materijal iza kojeg je stajao dobar trud, dobar rad i po mom mišljenju konačno je i ugledao svjetlo dana. Želim samo jednu dilemu da otklonim, kako tamo stoji, osim vozila za snabdjevanje. Snabdjevanje je širok pojam. Ili definisati snabdjevanje koga, čega, jesul to

privredni subjekti, jesul to prodajni centri, šta je u pitanju. Snabdijevanje je sve i kad Bešiću prođu kroz Domislicu oni iz rudnika sa kamionima, sa ne znam koliko tona i preopterećenim putem, on snabdijeva negdje nekog. To će vam pasti na sudu, padne zbog manjih stvari, zato što inspektor nije imao vagu, iako je zabilježio koliko je kubika drveta i koliko je u jednom kubiku masa, pa je sudija oslobodio prijevoznika zato što nije imao inspektor vagu. To su stvari koje moramo dobro definisati ili da se ostavi sve u Pravilniku i da to Pravilnik decidira ili da se precizira šta znači snabdijevanje. Imate tamo da je zabranjeno osim za snabdijevanje, a imate poslije u interesu će se donijeti odluka da se može koristiti. Po meni je to dobro kontradiktorno i po meni nećemo moći provoditi to u djelo zato što će uvijek se naći caka koja je u korist onih drugih, koji ne štite ni saobraćaj ni ulice, jer to imamo već na djelu i toga ste svi svjesni od Domislice, Jablanice, Kopica i gdje se sve pretovar vrši. Molim gospodina Mešića da dobro ovo izanalizira, ako treba da se napravi neka pauza da ne napravimo grešku u sitnici kad je ovako dobar materijal već ugledao svjetlo dana.

Mirza Mešić, prvo što je gospodin Bradarić rekao da bi bilo jasnije i preciznije, pošto lokalne ceste se odnose na uži dio općine i ne spominje se u Zakonu ulice u užem dijelu grada i to treba da se stavi.

Što se tiče postavljanja kamera pošto je već prošao Nacrt Budžeta, također se slažemo da ide u tom periodu od 24 do 36 mjeseci, ali što prije da se to uradi ukoliko je mogućnost.

Što se tiče Bešića, ja gore lično ne znam za ovu, ali se slažem ukoliko se nalazi na nekom takvom mjestu da nije u redu da se postavlja, upravo iz onog razloga što ste vi rekli. Ja zaista ne znam gdje se nalazi, nisam upoznat sa tim.

Što se tiče gospodina Načelnika i što je Predsjedavajuća rekla, najbolje bi bilo da se to uradi Pravilnikom, da se u Pravilniku definiše onda, jer u Zakonu tako stoji, ukoliko postoji određena zabrana stavlja se dole ispod dopunska tabla. Imamo svi „Konzum“ tu i svi znamo da dolazi i da se snabdijeva svakodnevno „Eutocentar“ i ti neki objekti, ali isto tako što je Načelnik rekao u snabdijevanje spada i ogrijev i neke druge stvari itd..Onda bi trebalo da se uradi poseban Pravilnik i da se stavi to snabdijevanje na što se odnosi. Što se nas tiče može tako da stoji. Može da se briše i da stoji 15 t.

Predsjedavajuća, zaključujem raspravu i dajem na glasanje

Z A K L J U Č A K

5.1. Donosi se Odluka o sigurnosti saobraćaja na cestama općine Maglaj, uz sugestije u članu 16. i 46. i da ih kao takve ugradi u ovu Odluku.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici, Josip Jurišić (HDZ).

Glasalo 8 glasova uzdržano: Adis Abdurahmanović, Nedžad Alispahić, Mirsad Bejzić, Delić Edib, Safet Jašić, Šefka Hasanić, Edina Jašić, Smajlović Dženita (SDA).

AD – 6 Odluka o izmjeni sadržaja pečata i njegova izrada za potrebe Općine Maglaj

Emina Hasanić, - uvodno izlaganje

Samom činu donošenja Odluke o izmjeni i sadržaju pečata i njegova izrada za potrebe Općine Maglaj, prethodilo je niz radnji koje je služba Općinskog načelnika bili u obavezi odraditi, a na poziv Službe za statistiku ZDK, kao i na osnovu saznanja o već okončanim radnjama iz susjednih općina ZDK.

Takođe u cilju usaglašavanja svog poslovanja sa preporukama Ureda za reviziju Federacije Bosne i Hercegovine i pripreme za trezorski način poslovanja, Općinski načelnik je donio Odluku, kojom je utvrđeno koji identifikacioni broj se zadržava i mijenja, a koji identifikacioni brojevi se odjavljuju.

Obzirom da Općinsko vijeće Maglaj i Službe u sastavu Općine Maglaj nemaju svojstvo pravnog lica i nisu porezni obveznici u smislu Zakona o poreznoj upravi u Federaciji Bosne i Hercegovine, pristupilo se odjavi identifikacionih brojeva organizacionih jedinica u sastavu Općine Maglaj. Identifikacioni broj Općinskog načelnika ostao je nepromijenjen, ali se promijenio u nazivu, tako da umjesto Općinski načelnik stoji Općina Maglaj. Sve navedene izmjene obavljene preregistracije su izvršene u Poreznoj upravi FBiH, odnosno Kantonalnom poreznom uredu Zenica, kao i u Službi za statistiku ZDK.

Imajući u vidu navedeno, a shodno proceduri donošenja Odluke o zadržavanju, izmjeni i odjavi identifikacionih brojeva organizacionih jedinica u sastavu Općine Maglaj, te izvršene preregistracije pravnog lica iz naziva Općinski načelnik Maglaj u naziv Općina Maglaj, neophodno je obaviti i izmjenu samog naziva pravnog lica u sadržaju pečata.

Shodno članu 9. Statuta Općine Maglaj stoji da Sadržaj i oblik pečata, njegovu izradu i korištenje utvrđuje Općinsko vijeće odlukom u skladu sa zakonom.

Poštujući svu navedenu proceduru, te kako bi mogli što prije pristupiti izradi pečata, u skladu za izvršenim izmjenama u preregistraciji, dostavili smo Odluku, koju imate u materijalu. Otvorena je rasprava – nije bilo rasprave.

Predsjedavajuća, zaključujem raspravu i dajem na glasanje

Z A K L J U Č A K

6.1. Donosi se Odluka o izmjeni sadržaja pečata i njegova izrada za potrebe Općine Maglaj.

Glasalo 22 glasa za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SbiH), Hajrudin Fermić (DF), Josip Jurišić (HDZ), Fikret Delić, Mustafa Bešić, Kanita Bašić samostalni vijećnici, Adis Abdurahmanović, Nedžad Alispahić, Mirsad Bejzić, Delić Edib, Šefka Hasanić, Safet Jašić, Edina Jašić, Smajlović Dženita, (SDA).

AD – 7 Nacrt Strategije razvoja turizma općina Maglaj 2019 – 2024. godina;

Ferhat Bradarić, uvodno izlaganje

Danas je trebao da bude uvodničar prof.dr Almir Peštek ili njegova zamjenica Merima Čehtarević sa Ekonomskog fakulteta iz Sarajeva, međutim iz opravdanih razloga su odsutni. Gospođa Čehtarević je u bolnici, a on je trebao biti na nekakvom predavanju koje nije mogao da izostavi.

Ja ću vas u kratkim crtama upoznati sa procedurom i zaključcima koji su doneseni početkom ove godine, da se ide u proceduru izrade novog strateškog dokumenta, to je Strategija razvoja turizma na području općine Maglaj. U skladu s tim Općinski načelnik je proveo zakonsku proceduru da izaberemo Agenciju koja će voditi ovaj postupak i u skladu sa konkurentskim zahtjevom koji je predao u mjesecu aprilu tekuće godine izabrana je Agencija „Zid“ iz Sarajeva koju predstavlja prof. Dr Almir Peštek i docent doktor Merima Čehtarević sa Ekonomskog fakulteta Univerziteta u Sarajevu. U skladu s tom odlukom formirana je jedna radna grupa od 19 članova multidisciplinarnog sastava koja je zajedno sa određenim brojem zainteresovanih građana koji su bili pozvani putem javnog poziva učestvovali u ovoj proceduri i postupku donošenja ovog strateškog dokumenta. Održana su četiri radna sastanka gdje je prezentovana metodologija, način rada, date su instrukcije kako da se postupa prilikom predlaganja ovih projekata i negdje otprilike dva mjeseca je bio otvoren poziv za dostavljanje projektnih prijedloga koji bi ušli kao takvi u ovaj dokument Nacrta Strategije. Po ovoj proceduri donošenja ovog dokumenta, danas na sjednici Vijeća, ovaj dokument Nacrt Strategije bi trebao da bude usvojen i da se da kao takav na javnu raspravu, koja bi se održala u narednom periodu i da se nakon održane javne rasprave, gdje se iznose ti prijedlozi, primjedbe i sugestije neke nove ideje ili nešto što smatramo da treba uvrstiti, na jednoj od narednih sjednica da usvojimo ovaj dokument kao konačni dokument prijedloga Strategije i profesor svakako, jučer sam ga konstatirao i on će biti prisutan na narednoj sjednici kad bude prezentacija ovog dokumenta.

Otvorena je rasprava

Vijećnik Hajrudin Fermić, samo nekoliko konkretnih praktičnih prijedloga.

Prihvatamo Nacrt Strategije.

Prvo predlažem da javna rasprava traje najmanje 60 dana. Da se u javnoj raspravi da to bude zaključak ovog Općinskog vijeća ne baziramo samo na jednu javnu raspravu koja će biti ovdje u Sali Općinskog vijeća, nego da se organizuje više javnih rasprava sa fokusiranim javnim interesnim grupama, pozvanim ili na terenu.

Tu prije svega mislim na predstavnike udruženja građana, koja imaju direktan ili indirektan interes da iskažu svoje mišljenje. Sa predstavnicima sportskih klubova, sa predstavnicima mjesnih zajednica, odnosno građana i naravno sa privrednim subjektima ukoliko je to moguće, a imamo dva-tri organa koja objektivno mogu da daju svoje mišljenje. To je i Savjet za privredu, imamo i udruženje itd. To su neki konkretni primjeri da bismo mi mogli uz sve to treba aktivno uključiti i lokalne medije. Raznim gostovanjima, davanjima izjava sa tematskim cjelinama iz ove Strategije, fokusirat i približavat to građanima itd. Možda je čak ovih dva mjeseca i kratko ukoliko bi se prihvatili ovi zahtjevi. Mislim da bi na ovaj način Strategija zaista dobila na svom kvalitetu, efektu i moglo bi se nešto polučiti na toj sjednici Općinskog vijeća koje dugoročno gledano, da će Maglaj imati kvalitetnu Strategiju turizma.

Vijećnik Safet Jašić, Klub vijećnika SDA prihvata Nacrt Strategije razvoja turizma općine Maglaj za 2019.-2020.godinu.

Predsjedavajuća, zaključujem raspravu i dajem na glasanje prvo prijedloge iznesene od strane dopredsjedavajućeg, da je ovo sve izvedivo na način kako je predloženo. Javna rasprava koja će trajati najmanje 60 dana, da se uključe sve mjesne zajednice, privrednici, sportski klubovi, itd. sva udruženja i da se uključe mediji bio je treći prijedlog.

Z A K L J U Č A K

7.1. Usvaja se Nacrt Strategije razvoja turizma općina Maglaj 2019 – 2024. godina.

7.2. Otvara se javna rasprava u trajanju od najmanje 60 dana.

7.3. U javnu raspravu uključiti predstavnike udruženja građana koja imaju direktan ili indirektan interes da iskažu svoje mišljenje. Sa predstavnicima sportskih klubova, sa predstavnicima mjesnih zajednica, odnosno građana i naravno sa privrednim subjektima ukoliko je to moguće.

7.4. U javnu raspravu uključiti lokalne medije.

Glasalo 22 glasa za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Elvir Vehabović (SBiH), Hajrudin Fermić (DF), Josip Jurišić (HDZ), Fikret Delić, Mustafa Bešić, Kanita Bašić samostalni vijećnici , Adis Abdurahmanović, Nedžad Alispahić, Mirsad Bežić, Delić Edib, Šefka Hasanić, Safet Jašić, Edina Jašić, Smajlović Dženita, (SDA).

AD – 8 Nacrt Odluke o izmjeni i dopuni Odluke o općinskim administrativnim taksama i tarifi općinskih taksi;

Eldina Mehinagić, uvodno izlaganje

Imate materijal Nacrt Odluke o izmjeni i dopuni Odluke o općinskim administrativnim taksama i tarifi općinskih taksi. Mi smo u općinskoj administraciji došli do zaključka da se ukazala potreba za donošenjem jedne ovakve odluke. U pripremi ovog materijala koje smo imali, konsultovali smo se sa kolega u općinskim administracijama sa pojedinim fizičkim i pravnim licima i nastojali smo da nekako uskladimo sve prijedloge koje su oni dostavili, ali također smo uzeli u obzir i Odluke susjednih gradova Zavidovići, Žepče, Tešanj i Doboj. Ovo je sada u vidu nacrtu, svako od nas će vjerovatno imati svoje prijedloge i mišljenja i to će u narednom periodu kada bude obrađivano na javnim raspravama ostavili bi priliku tako da svako može da dostavi svoje prijedloge i pismeno i usmeno, da se više dana mogu dostavljati ovi prijedlozi. Kada budemo sumirali sve rezultate, mi ćemo na osnovu svih prijedloga koje budemo dobili i svih informacija do kojih budemo došli vidjeti da li će ova Odluka kada bude rađena u prijedlogu biti donesena u obliku nove Odluke ili izmjena i dopuna već postojeće Odluke. Naš prijedlog je da se Nacrt Odluke usvoji kako bi što prije mogli pokrenuti procedure koje nam prethode i kako bi što prije mogli donijeti ovu Odluku u vidu prijedloga na jednoj od narednih sjednica Općinskog vijeća. Naš prijedlog je da to uradimo što je prije moguće, a obzirom da su i praznici i da ide nova godina, 30 dana je realan rok za javnu raspravu.

Otvorena je rasprava

Vijećnik Safet Jašić, Klub SDA je ovaj materijal dobro iščitao i isti ćemo podržati u svakom slučaju. Ima jedna dilema koju smo imali, šta se mijenja u odnosu na prethodnu Odluku, nemamo usporedbe, pa bi volili da nam se to malo obrazloži. Mi ćemo Nacrt Odluke prihvatiti.

Eldina Mehinagić, ja sam zaboravila reći da ste u Nacrtu Odluke dobili boldirane stavke, to smo kao općinska administraciji predložili i svakako tu postoji još stvari koje bi se trebale izmijeniti. Ovo zahtjev za izdavanje duplikata radne knjižice, više njih nema. Ovo što vam je boldirano u vašem nacrtu , to je naš privremeni prijedlog, a vjerovatno će biti i ostalih izmjena, možda čak i dopuna u nekom od narednih javnih rasprava.

Predsjedavajuća, ukoliko se sjećate nekih od ranijih javnih rasprava mi smo svakako tražili da dobijemo obrazloženje zašto je neki prijedlog prihvaćen ili odbijen od strane općinske administracije i sigurna sam da će to vezano i za ovaj nacrt biti tako. Zaključujem raspravu i dajem na glasanje

Z A K L J U Č A K

8.1. Usvaja se Nacrt Odluke o izmjeni i dopuni Odluke o općinskim administrativnim taksama i tarifi općinskih taksi.

Otvara se javna rasprava u trajanju od 30 dana.

Glasalo 22 glasa za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Elvir Vehabović (SBiH), Hajrudin Fermić (DF), Josip Jurišić (HDZ), Fikret Delić, Mustafa Bešić, Kanita Bašić samostalni vijećnici , Adis Abdurahmanović, Nedžad Alispahić, Mirsad Bežić, Delić Edib, Šefka Hasanić, Safet Jašić, Edina Jašić, Smajlović Dženita, (SDA).

AD – 9 Informacija o stanju socijalne zaštite i prijedlozi mjera za poboljšanje iste na teritoriji općine Maglaj za period 01.01. – 30.06.2018.godine;

Aida Hadžić, direktorica JU Centar za socijalni rad Maglaj – uvodno izlaganje

Informaciju o provedbi odluke o socijalnoj zaštiti ste dobili kao i neke od naših prijedloga za poboljšanje iste.

Nadam se da sam uspjela kroz objašnjenje našeg rada pokazati i trenutnu situaciju na našoj općini.

Posao Centra za socijalni rad nije niti malo jednostavan, niti lagan. Često se i ne vidi koliko mi radimo. Svakodnevno smo suočeni sa teškim ljudskim pričama i problemima i pored želje da svima pomognemo ograničeni smo i federalnim i kantonalnim zakonima, koji baš i nisu uvijek pogodni.

U informaciji smo vam pokušali približiti barem dio onoga što se u Centru radi.

Zaštiti maloljetnika posvećujemo posebnu pažnju jer su oni najranjivija kategorija.

Kada je u pitanju maloljetnička delikvencija, tu u saradnji sa PS Maglaj provodimo mjere koje su predviđene zakonom. Do 30.6. imali smo prijavljeno 6 slučajeva gdje su se tri završila medijacijom, 1 obustavljen, a dva su još u toku.

Zlostavljanje djece je tema koja nas posebno zabrinjava jer nemamo osnovanih prijava, a imamo informacije da takvih slučajeva ima. Međutim zlostavljanje nije samo fizičko nasilje. Danas je veći problem zapostavljanje djece, psihičko nasilje kao i elektronsko. Kao rezultat naše saradnje nedavno smo imali izmještanje djeteta iz porodice upravo zbog zanemarivanja.

Posebno ističemo ovisnost mladih, ne samo o opojnim sredstvima nego i o društvenim mrežama. To je tema o kojoj će se sve više govoriti i koja će zahtijevati našu posebnu pažnju i koju možemo ublažiti samo zajedničkim radom svih institucija koje rade sa djecom. Imamo dvoje u terapijskoj zajednici.

Zaštita punoljetnih je također objašnjena po vrstama usluga koje pružamo. Ovdje nemamo nekih odstupanja niti posebnih slučajeva kojih do sada nije bilo. Korisnika stalne socijalne pomoći imamo 65 i taj se broj uvijek kreće oko 70.

Nasilje u porodici je problem našeg društva jer mi imamo visok stepen tolerancije na nasilje i rijetko se prijavljuje. Do 30.6. imamo 5 izrečenih mjera, uglavnom je to zabrana prilaska. U većini se radi o nasilju nad ženama koje odustanu od tužbe pa se nasilje često i ponavlja.

Ono što nas posebno zabrinjava, a problem je svih nas, to je odlazak cijelih porodica iz BiH. Kod nas se to vidi po zahtjevima za dječiji dohodak gdje imamo 100 manje korisnika nego u prošloj godini. Manji broj korisnika djelimično je i zbog zaposlenja jer ovo pravo mogu ostvariti samo porodice čija primanja ne prelaze 109 KM po članu domaćinstva ili ako su roditelji osobe s invaliditetom preko 90%.

S druge strane sve veći broj građana traže utvrđivanje invaliditeta i tuđu njegu. A pravo na naknadu imaju samo osobe sa 90 i 100 % invaliditetom. Nama se najčešće javljaju osobe nakon moždanog udara, sa hemodijalizom i sa različitim vrstama malignih oboljenja.

I još jedan podatak koji želimo istaći je povećan broj brakorazvodnih parnica, a sve to opet vodi ka posebnoj potrebi da li porodničkog savjetovališta ili uloge psihologa, koji je u našoj općini trenutno neophodan.

Da bismo adekvatno odgovorili svim ovim problemima neophodno je zaposliti još jednog socijalnog radnika kao i angažman psihologa. Razvoj socijalnog poduzetništva gdje bismo mi na određene načine pokušali zaposliti osobe, koje se inače ne bi mogle zaposliti redovnim putem.

Rad na projektima, saradnja sa drugim institucijama je također za pohvalu i imamo dobru saradnju i sa školama i sa Policijskim stanicama, sa općinskim službama, sa mjesnim zajednicama, jer bez toga nema rezultata.

Otvorena je rasprava

Vijećnik Hajrudin Fermić, želim da se zahvalim direktorici Centra za socijalni rad što nam je napravila ovu informaciju, što je poprilično detaljna. Međutim, želim da izrazim i svoje čuđenje, u smislu otkud nama ova Informacija na dnevnom redu Općinskog vijeća, kada u Programu rada OV za 2018. godinu stoji Informacija o provedbi Odluke o socijalnoj zaštiti na općini Maglaj.

Ja pretpostavljam o čemu se radi, pretpostavljam da je ta Informacija data Centru za socijalni rad da je urade u vrijeme kada se tamo tražila kadrovska zamjena u administraciji, tako da je tu došlo do jednog vakuma ili međuprostora.

Naime, mi imamo Odluku koja je usvojena 2013. godine i objavljena u „Službenim novinama Općine Maglaj“, broj: 4/13. Ta Odluka sistemski treba da rješava određena pitanja koja su između ostalog i ovdje pomenuta i u onom materijalu koji smo mi kao vijećnici dobili i ovo što ste vi ovdje rekli.

Ja ću iskoristiti svoje pravo da dam jednu našu analizu, odnosno nekoliko prijedloga za poboljšanje funkcionisanja socijalne zaštite na području općine Maglaj.

Kako se u materijalu moglo vidjeti samo u prvih 6 mjeseci za taj period je rađena, pominje se da ima 13 djece pod starateljstvom. Da ima 12 djece koja su kategorisana i pohađaju osnovnu školu, kad se govori o tome, to su djeca sa težim smetnjama. Stalnu socijalnu pomoć ima 65 lica. 18 lica smještenih je u socijalno-medicinske ustanove. 40 lica onih iznad 18 godina je pod starateljstvom. Podatak koji ja imam nije bio u prvih 6 mjeseci tu napisan. 22 nasilja u porodici, uglavnom se radi o blažim oblicima fizičkog i verbalnog nasilja. Jednokratnu pomoć dakle,

novčana pomoć isplaćuje se na zahtjev građana u skladu sa mogućnostima. Jednokratna pomoć je 200,00 KM i može e dobiti dva puta. Trenutno ima 656 korisnika dječijeg dodatka i za 100 manje nego u odnosu na prošlu godinu. 17 porodica koje su podnijele zahtjev za naknadu, a neće sve ostvariti ovo pravo. 13 zahtjeva za posredovanje u brakorazvodnim parnicama. Zatim, neratni invalidi 457 korisnika invalidnina, od čega je u ovoj godini urađeno 46 novih rješenja. Po nekoj mojoj gruboj procjeni preko 2000 različitih lica prođe kroz Centar za socijalni rad i ne znam kako ružno je, neko ih zove predmetima, neko slučajevima itd. ali to su ljudske sudbine. Preko 2000 ljudskih sudbina na 7 zaposlenih radnika u Centru za socijalni rad. Zašto ovo sad izvlačim iz svega toga, samo da slikovito pokažemo koliko nam je taj Centar koji je po zakonu nosilac socijalne zaštite na općini Maglaj, trebamo kadrovski, materijalno ojačati. Kad govorimo o ovoj Odluci o socijalnoj zaštiti, onda ja moram sve da podsjetim da napomenem šta je u njoj regulisano. U njoj je između ostalog regulisano, ima prava iz socijalne zaštite po zakonu i ovoj odluci su : novčana i druga materijala pomoć, osposobljavanje za život i rad, smještaj u drugu porodicu, smještaj u ustanove socijalne zaštite, usluge socijalnog i drugog stručnog rada, kućna njega i pomoć u kući, pomoć u dnevnom, cjelodnevnom zbrinjavanju , vršenje starateljstva i nadzor. Prava iz stava 1. tačka 2,3,4 i 5. ostvaruju se na način propisan Zakonom, a ostala prava iz stava 1. tačka 1, 6, 8 i 9 pod uslovima utvrđenim ovom Odlukom. Dakle, pomenuto je 8 prava socijalne zaštite, a ovamo u drugom stavu se pominje i tačka 9. koje nema, ne postoji u ovoj Odluci. Govorim koliko je ona površno urađena i zbog čega nam je trebala jedna analiza, jedna informacija ove odluke, da se vidi zašto ona postoji, kako se provodi i koje su eventualne primjedbe, sugestije da se napravi jedna efikasna odluka koja će biti održiva i koja će se u praksi moći provoditi u skladu sa našim stanjem i materijalnim u Budžetu, a isto tako i našim opredjeljenjima. Ono što također želim ovdje naglasiti postoji jedno pravo na materijalnu pomoć u naturalnom obliku koju mogu ostvariti lica i porodice koje se nađu u stanju socijalne potrebe, zavisno od mogućnosti Općine. Pravo na pomoć iz stava 1. može se ostvariti neovisno od već ostvarenih prava. Kakvo je to pravo na naturalnu pomoć? Imamo li mi toga? Da li se to može kroz Odluku regulisati saradnjom kroz eventualno Centar za socijalni rad i ovim nevladinim organizacijama, prije svega „Merhametom“, „Crvenim križom“, „Caritasom“ itd., jer koliko ja znam, Općina toga do sad nije praktikovala, davanje pomoći u naturalnom obliku, možda i jest, ali ja nemam tih informacija. Ono što je također jako važno ovdje naglasiti jeste problem, problematika, a to je pravo na subvencioniranje troškova javnog prijevoza. Piše, pravo na subvenciju troškova javnog prijevoza za odlazak i povratak iz škole u toku školske godine u 100% iznosu cijene koštanja troškova. Pravo pod ovim uslovima ima učenik koji u jednom pravcu iznosi od 2-5 km, a mogu koristiti djeca korisnika stalne novčane pomoći, djeca smještena u drugu porodicu, djeca ometena u psihičkom i fizičkom razvoju prema ocjeni socijalnog radnika.

Mi ovdje imamo jedan grant i sad su u Nacrtu Budžeta također određena sredstva planirana, a to je prijevoz đaka koji ide. U Odluci mi ovdje nemamo zaista ništa regulisano na koji način, ko i kako može dobiti i mimo ovih najtežih slučajeva. Mi imamo jedan slučaj u Kopicama, ja mislim da je administracija već i upoznata s tim i takve stvari bi se u Odluci trebale regulisati. Naime, mi imamo roditelja koji iz Kopica do Čoba djecu šalju u područnu školu, prvačića u kojima se traži naknada u komercijalnom iznosu, a ima preko 2 km, a sredstva na određeni način planirano, ali kad bi se gledala ova Odluka, nema niko pravo tu da dobije, osim eventualno odluke ili eventualno da se ovdje u postojećoj odluci kada bi se ona radila, dograđivala, da se stavi da recimo djeca koja imaju 2 ili više učenika u porodici koja imaju takva primanja imaju pravo na 100% subvencioniranje itd. Dakle, taj problem u Kopicama mi moramo da riješimo. Ja koliko znam nemaju razumijevanja u OŠ „Novi Šeher“. Sada je inače prijelomni momenat kada se ministarstva gore mijenjaju, kada se očekuje nova vlada itd. i naravno to je uvijek prva stepenica, Općina, općinska administracija, Načelnik , služba itd. Dakle, ovakve stvari da pomognemo ljudima, a imamo dobru volju čim planiramo sredstva u Budžetu, onda da to bude i na određeni način smišljeno, taktički i strateški regulisano određenim aktima.

Naime, imamo drastičnih primjera kako nam je nešto neregulirano prolazi pored nas, a vrlo lako i jednostavno se može to riješiti na dobrobit i na pohvalu svih nas.

Zbog toga ja predlažem da mi imamo tu jednu informaciju ili jedan prijedlog te nove Odluke u periodu kada nam budu dolazili izvještaji javnih ustanova, konkretno izvještaj Centra za socijalni rad mart-april i da Načelnik razmisli da formira jednu radnu grupu u kojoj će biti predstavnik administracije, predstavnik Centra za socijalni rad, da se zaista rastabiri ta Odluka i da se vidi nešto što je praktično primjenjivo u narednom periodu za ovaj period.

Predsjedavajuća OV, obzirom da je ovo bila Informacija, a ne Odluka o provedbi socijalne zaštite, znači sugestija je da se nađe.

Vijećnik Hajrudin Ferić, ja moram ovdje da reagujem. Moja inicijativa je da se u Program rada OV uvrsti Informacija o provedbi Odluke obzirom da sam već nekoliko puta pominjao u prethodne dvije godine koliko nam je ta Odluka površna koliko je ne životna, ne praktična i koliko nama svima je na sramotu što ona postoji takva kakva jest donesena 2013. godine, a nikakvog razloga nema da ona takva loša postoji. Iz tih razloga smo trebali danas o tome da razgovaramo.

- **Informacija o stanju socijalne zaštite i prijedlozi mjera za poboljšanje iste na teritoriji općine Maglaj za period 01.01. – 30.06.2018.godine, prima se k znanju.**

Predložen je

Z A K L J U Č A K

9.1. Da se do marta 2019. godine Odluka o stanju socijalne zaštite iz 2013. godine doradi i da se u vidu Nacrta ponudi Općinskom vijeću. Da Općinski načelnik pripremi to na način na koji administracija smatra da je najbolje.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici, Josip Jurišić (HDZ).

Glasalo 8 glasova uzdržanih: Adis Abdurahmanović, Nedžad Alispahić, Mirsad Bejić, Delić Edib, Šefka Hasanić, Safet Jašić, Edina Jašić, Smajlović Dženita (SDA).

AD – 10 Informacija o zdravstvenom stanju stanovništva općine Maglaj za 2018. godinu (01.01.-30.06.2018);

Otvorena je rasprava

Vijećnik Hajrudin Fermić, hvala direktoru Vehaboviću što se potrudio i sačinio ovu informaciju i dao nam je na uvid, što i sam reče, ovo je poprilično povelik broj statističkih podataka koje kako Safet reče naravno da ćemo primiti tu informaciju k znanju, ali to ne znači da ne možemo predložiti i neki zaključak na osnovu te informacije. Meni je drago da po prvi put na OV imamo informaciju i naravno da mi nije drago kakvog je kvaliteta, ali opet ponavljam to nije do obrađivača, do predlagača ove informacije, nego iz prostog razloga što evo ne snalazimo se, jer je ovo na OV Maglaj prvi put da imamo informaciju o zdravstvenom stanju stanovništva iako već punih 8 godina različite institucije imaju tu informaciju, a isto tako i mnoga OV na području ZDK.

Metodološki sve je jasno i propisano kako se pravi informacija, dakle ne ovako, nego gdje trebaju da budu pokazatelji između ostalih svih onih faktora koji utiču na zdravstveno stanje stanovništva počev od demografije, počev od zaposlenosti, nezaposlenosti, počev od nekih faktora koji utiču na pojavu zaraznih bolesti, pojavu hroničnih bolesti itd. Ono što je karakteristično za Maglaj i što se nikad nije čulo sa ove govornice ovako zvanično i javno da prema izvještaju o zdravstvenom stanju stanovništva iz 2010., 2011., 2012., 2013. i dalje Maglaj je sredina kojoj je najizraženija pojava smrtnosti od malignih oboljenja. Posljednji zvaničan podatak iz Doma zdravlja od prije dvije godine govori da nam je 1,5% stanovništva oboljelih od malignih oboljenja i ne znamo ovdje kakvu prevenciju i da li imamo išta kad su u pitanju prevencije. Puno bi se moglo govoriti o tome, između ostalog i o problematici vakcina. Naime, strašan je podatak da pojedine vakcine evo za ovaj period kad je i pisana informacija iz 2016. godine kad su meni dostupni podaci o zdravstvenom stanju 47% dojenčadi djece nije primilo vakcinu, a vakcinu i sad imamo ovdje, te stručne nazive u svemu ovome da to su vakcine koje uzrokuju najteže bolesti kod djece u nekom narednom periodu. U 2010., 2011. godini ni jedno dijete praktično nije izvršena vakcinacija na hepatitis itd. nas interesuje šta su to uzroci.? Jel to uzrok roditeljski nemar, jel to uzrok da se nisu nalazila sredstva u Zavodu zdravstvenog osiguranja da se te vakcine kupuju itd. Također jedan od uzroka je i problematika zagađenja zraka, tla i vode i mi isto tako u ovoj informaciji nemamo tih podataka, a jako bi puno i vremena i prostora trebali da posvetimo cijeloj toj priči. Mislim da postoji potreba da o svemu tome mi ozbiljnije razgovaramo i znam da je sad takva sjednica OV kad neće biti ni diskusije niti nekih zaključaka, ali mi kao odgovorno OV zaista moramo malo da se pozabavimo najjednostavnijim stvarima, a to je kako je moguće da izuzetno veliki broj imamo crijevnih zaraznih, nezaraznih bolesti, zbog problema vode, problema u lokalnim vodovodima, a da imamo i kroz izvještaj o Budžetu, da imamo svega 850,00 KM utrošenih sredstava za uzorkovanje vode i namirnica koje je naložio inspektor, a za prvih šest mjeseci 2018. godine nemamo ni jedne KM za to. Isto tako i kazne po općinskim propisima nemamo ni KM po tome, što se pokazuje i postavljamo pitanje, šta nam to inspekcije rade u tom pogledu. Kakvi su nam lokalni vodovodi? Ja sam gledao fotografije prije mjesec dana u pojedinim vodovodima recimo u Kopicama itd. šta je. Koliko se ove javne česme koriste, praktikuju, koliko se kontrolišu itd. Ono što je također važno postaviti pitanje ovdje i kako to da Maglaj apsolutno ništa ne radi. Znam da je Načelnik pokrenuo inicijativu i da ima u Strategiji razvoja općine, a to je da Maglaj ima jednu trajnu baznu stacioniranu stanicu za mjerenje zagađenosti zraka. Pogledajte kako kukaju i kako u medijima u posljednja dva dana se priča o Sarajevu, Zenici, Lukavcu, Tuzli. Maglaja nema samo zato što nemamo baznu stanicu, koja će da mjeri i da pokaže strahotu od zagađenosti zraka. Ono što imamo periodična, epizodna mjerenja zraka pokazuju izuzetno prekomjernu koncentraciju a to imamo i čak u Strategiji razvoja prekomjernu koncentraciju PM česticama koje uzrokuju maligna oboljenja itd. Puno je tih pitanja i ja samo smatram i predlažem da jedan od zaključaka bude i da u Programu rada OV za 2019. godinu, a isto tako i u narednim periodima, obavezna tačka bude Izvještaj o zdravstvenom stanju stanovništva na općini Maglaj, metodološki rađen onako kako je i propisano i kako to radi Kantonalni zavod zdravstvenog osiguranja gdje je dovoljno u stvari

prepisat sve ono što oni napišu kad su u pitanju metodološki podaci, a isto tako i ono što je vezano za Maglaj, jer posebnu pažnju posvećuju svakoj od općina i da naravno jedan od nosilaca te izrade izvještaja bude i Zdravstveni savjet općine Maglaj koji postoji. Da ga imamo i u Programu za narednu godinu Općinskog vijeća, da nam to bude obavezna redovna praksa, godišnji izvještaj o zdravstvenom stanju stanovništva.

Vijećnik Safet Jašić, mi dobro znamo šta je informacija i ova i ona, ona prethodna i sve buduće i prošle informacije zna se kako se donose ovdje, znači informacija se prima k znanju. Sve ono što je imao neko iz informacije, nek stavi neka kandiduje kao tačku dnevnog reda. Dovodite nas u nezgodnu situaciju, sad izglasavate nešto mi nemamo pojma, a nismo ništa protiv one informacije. Doveli ste nas u nezgodnu situaciju Informacija se prima k znanju. Znači u tom pravcu i vodite, nema dodatnih prijedloga. Ja vas molim nemojte nas više dovoditi u nezgodnu situaciju, jer nismo našli ništa u Informaciji sporno što ne odgovara Klubu SDA.

Vijećnica Svjetlana Zamboni, najgore od svega bi bilo da mi dobijemo neku informaciju i da mi konstatujemo samo da primamo informaciju k znanju. Svaka informacija makar u dosadašnjoj praksi, dostavlja se sa određenom namjerom, a to je da probudi svijest vijećnika, da probudi svijest lokalne vlasti, da probudi svijest građana o određenim problemima koji se uoče u informaciji, ako takvi uopće i postoje. Prethodna informacija koja je dolazila za socijalnu zaštitu i te kako oslikava dobru socijalnu sliku općine Maglaj, ukazuje na određenu problematiku, ali ukazuje i na puteve na koje se to može rješavati. Kad govorimo o problemima iz oblasti zdravstvene zaštite ja apsolutno ne želim da ulazim u struku niti ne znam možda dobro niti ponoviti nazive iz ove informacije, ali ne vidim šta može biti loše što bilo ko od nas predloži da se određene informacije ili izvještaji koji jesu i tiču se svih građana općine Maglaj da budu redovno dostavljani na Općinsko vijeće. Ništa drugo i ništa šire nije ni rečeno u okviru ove diskusije koja je prethodila mome izlaganju.

Vijećnik Elvir Vehabović, ukazano je za prevenciju malignih oboljenja. Sad imamo tu jedan detalj, uzročnik malignih oboljenja nije jedan. Uzročnici malignih oboljenja idu od stila našeg života, znači znamo i sami po studijama crveno meso, ostale stvari, zagađenost zraka, zagađenost tla, radijacija, zračenje. Sad je problem u tome ko će izvršiti mjerenja zagađenosti tla i zagađenosti zraka, pošto mislim da na području države BiH nema u Institutu za mjeriteljstvo, nema te laboratorije koja će izvršiti mjerenje zagađenosti tla. Druga stvar, naš stil života, uzročnici pušenje kod uzročnika karcinoma pluća, znači sve to mi bi trebali da imamo nekakvu vrstu prevencije, odnosno edukacije o štetnosti svih tih faktora, koji mogu dovesti do malignih oboljenja. Kada pogledamo malo smo mi sami krivi sa svojim stilom života. Uporedit ću npr. situaciju što se tiče i kardiovaskularnih oboljenja, znači bolesti srca i krvnih sudova. Znamo svi da u Dalmaciji ljudi imaju duži životni vijek. Zdravija ishrana, riba, maslinovo ulje, a mi smo svi na nekom drugom režimu ishrane i kasnije se čudimo što imamo povećan broj srčanih i moždanih udara i svega toga. To su neke stvari koje mi možemo sugerisati kao ljekari, ali ne možemo uticati.

Zvaničan podatak za vakcinaciju za ovu godinu je 93% vakcinisane djece. Neki dan smo imali sastanak i mi smo među bolje vakcinisanim općinama u ZDK, znači u samom vrhu, tu nemamo trenutno nikakav problem. Desi se da ponekad neko dijete iz opravdanih razloga ne bude vakcinisano, pa se odgodi, pa imaju ta pravila kako ide. Ovo je zvaničan podatak od ove godine, a taj podatak od prije 5-6 godina stvarno ne znam zbog čega je. Mislim da nije bio tako nizak, možda vjerujte mi ne znam za taj podatak.

Što se tiče zagađenosti tla i vode možemo izvršiti mjerenje zagađenosti zraka, ali zagađenosti tla malo je teže u našim uslovima i ne znam ko je nadležan za taj dio. Slažem se i pokušat ćemo da slijedeća informacija bude urađena na istom principu kao što ga radi Institut za zdravlje od strane ZDK.

Predsjedavajuća OV, prijedlog koji je proizašao iz ove diskusije jeste da se za narednu godinu pripremi informacija po metodologiji kako to radi Zavod ZDK.

- **Informacija o zdravstvenom stanju stanovništva općine Maglaj za 2018. godinu (01.01. – 30.06.2018.godine, prima se k znanju.**

Predložen je

Z A K L J U Č A K

10.1. Da se u Program rada za 2019.godinu uvrsti tačka dnevnog reda Informacija o zdravstvenom stanju stanovništva općine Maglaj urađena po metodologiji kako to radi Zdravstveni zavod ZDK-a.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBIH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici.

Glasalo 9 glasova uzdržanih: Adis Abdurahmanović, Nedžad Alispahić, Mirsad Bejzić, Delić Edib, Šefka Hasanić, Safet Jašić, Edina Jašić, Smajlović Dženita (SDA), Josip Jurišić (HDZ).

AD – 11 Informacija o sportu na području općine Maglaj, sa pokazateljima o sportskim rezultatima, stanju sporta i sportskih objekata za 2018.godinu;

Otvorena je rasprava

Vijećnik Hajrudin Ferić, žao mi je što nemamo predstavnika sportskih klubova da su kao gosti na sjednici Općinskog vijeća i naravno da čujemo i njihovo mišljenje, ali vidim da su konsultovani i kroz izradu ove Informacije. Ono što je osnovna intencija mog prijedloga koji ću ovdje iznijeti je činjenica da mi na općini Maglaj godinama izdvajamo sredstva, kako za omladinski sport, tako i za ovaj invalidski sport i to nisu mala sredstva. Evo 200.000,00 KM za omladinski sport za 2019. godinu, također su to znatna sredstva i za invalidski sport i ono što moram da kažem jeste da nam je sport jedna od svijetlih tačaka, oblasti na općini Maglaj kojom se uglavnom možemo diviti.

Međutim, ono što u posljednje vrijeme imamo, a to je sve učestalije određene primjedbe, pritužbe itd. pojedinih sportskih klubova za povećanim zahtjevima za finansiranje iz općinskog budžeta i mnogi se oslanjaju samo na takve stvari. Na ova sredstva, vrlo je malo onih koji sponzoriraju itd. Ostaje nam poprilično zanemareno u cijeloj ovoj priči nešto što je taj tzv. omladinski u pravom smlu amaterski rekreacioni sport učenički sport itd. Da ne bih puno dužio i govorio Maglaj je rijetka općina koja od 2002. godine kada je donesen Zakon o sportu na Kantonalnom nivou on je mijenjan 2004., pa 2011. pa 2017.godine, zaista dosta toga uredio i uradio, a ono što smo zaboravili, što također u prošlom sazivu OV nije ovdje tretirano jeste i strategija razvoja sporta na području ZDK koja je rađena i urađena od 2013. pa do današnjih dana. Mi nismo sektorski spuštali dole na lokalni nivo i postoji puno praznina i šupljina u pitanju šta je naš javni interes u sportu. Zakon je to prilično lijepo regulisao, ali mi ovdje na lokalnom nivou nismo rekli šta je nama javni interes. Pa se naravno pojavljuje set tih pitanja i problema u cijeloj ovoj priči. Da mi ne bi otvarali neke velike rasprave, ja predlažem a to će biti i prijedlog političke opcije koju predstavljam, a i kao zamjenika predsjedavajućeg da se u 2019. godinu u Program rada OV ovo je samo sugestija, nije prijedlog zaključka da se stavi i utvrdi i prijedlog izrade akcionog plana razvoja sporta na području općine Maglaj u kojima će biti i omladinskom i školskom sportu, o amaterskom sportu, o vrhunskom sportu, o sportskim objektima itd. Sve precizno definisati kao javni interes ove lokalne zajednice u toj oblasti.

Predsjedavajuća OV, zaključujem raspravu i konstatujem, da informaciju primamo k zanju, a sugerišemo općinskoj administraciji da uvaži ovu sugestiju od dopredsjedavajućeg.

- **Informacija o sportu na području općine Maglaj, sa pokazateljima o sportskim rezultatima, stanju sporta i sportskih objekata za 2018.godinu**

Pauza na zahtjev Kluba SDA.

AD – 12 Informacija o radu Radne grupe za provođenje aktivnosti vezanih za rad i funkcionisanje Mjesnih zajednica na području općine Maglaj, sa prijedlogom narednih aktivnosti;

AD – 13 Odluka o uvođenju Jedinstvenog registra MZ.

Enes Sejmenović, - uvodno izlaganje ispred Radne grupe.

Ja ću u ime Radne grupe za unapređenje rada i funkcionisanja mjesnih zajednica u najkraćem obliku govoriti o ovoj Informaciji koju ste dobili u sazivu dnevnog reda. Imajući u vidu da se o ovoj problematici ili o ovoj temi govorilo i u nekom ranijem periodu istina tada se više pažnje obratilo na izborne procedure itd.,ali tom prilikom su ustanovljeni nedostaci koji su govorili o tome da je potrebno temeljitije pristupiti rješavanju ovog problema s ciljem i kao krajnjim rezultatom unapređenjem rada u mjesnim zajednicama. S tim u vezi Općinski načelnik je imenovao stručnu radnu grupu 09.05.2018.godine koja je u svojim zasjedanjima govorila i analizirala ovu problematiku, s ciljem da predloži jedan kvalitetniji materijal za Općinsko vijeće. Danas u ovoj informaciji imate priliku da vidite šta je to Radna grupa radila i koja je namjera dokumenata koja predlaže u narednom periodu koji će biti doneseni u procesu koji slijedi, dakle nije moguće to završiti sve u jednoj aktivnosti.

U ovim predloženim mjerama koje treba voditi u narednom periodu, aktivnosti koje treba provesti na ovu temu svakako je u analizi došlo se do podataka koji govore o neusklađenosti kako dokumenata, tako i stanja na terenu. S tim u vezi mi smo u ovih pet tačaka koje imaju na kraju ove informacije predložili korake koji su neophodni da bi se ovo stanje unaprijedilo i naravno za ovo je potrebno određeno vrijeme.

Predsjedavajuća je rekla u napomeni da je ovdje bio prijedlog Odluke o registru mjesnih zajednica. Naravno to je jedna iz seta odluka koje bi trebalo u narednom periodu da Općinsko vijeće razmatra i donese. Konkretno radi se o registru mjesnih zajednica, to je dokument koji do sada u općini Maglaj nije postojao kao takav, nije u ranijem periodu bilo tog registra, bili smo samo oslonjeni na Poreznu upravu ZDK, gdje su određivani ID brojevi i odluka o razvrstavanju djelatnosti, a registar nije kao takav postojao. Mi smo u Radnoj grupi malo izučili kako je to riješeno u susjednim općinama uglavnom općinama ZDK i ustanovili smo potrebu za donošenjem ove odluke o registru mjesnih zajednica. Taj registar mjesnih zajednica dalje se proteže kroz sve druge odluke u setu koje treba donijeti, a to su Odluke o osnivanju mjesnih zajednica. Statut svakako treba prilagoditi svim ovim Odlukama koje predlažemo. Tako da mi iz Radne grupe predlažemo Općinskom vijeću da ovu Informaciju primi k znanju sa

napomenom da je u narednom periodu prema rasporedu i radu Općinskih vijeća neophodno donijeti set ovih Odluka s ciljem da u konačnici dobijemo mjesne zajednice na području općine Maglaj sa novoizabranim strukturama, koje će voditi te mjesne zajednice, uz uspostavu ovog registra, dakle sve na jednom mjestu. Za sva pitanja i sugestije stojimo na raspolaganju.

Otvorena je rasprava – nije bilo rasprave
Predsjedavajuća, zaključujem raspravu i

- Informacija o radu Radne grupe za provođenje aktivnosti vezanih za rad i funkcionisanje Mjesnih zajednica na području općine Maglaj, sa prijedlogom narednih aktivnosti.

ZAKLJUČAK

13.1. Obavezuje se Služba za BiZ, opću upravu i društvene djelatnosti i Radna grupa da pripremi prijedlog Odluku jedinstvenog registra MZ i da je ponude na jednoj od narednih sjednica Vijeća.

Glasalo 21 glasa za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBIH), Hajrudin Ferić (DF), Josip Jurišić (HDZ), Fikret Delić, Mustafa Bešić, Kanita Bašić samostalni vijećnici, Adis Abdurahmanović, Nedžad Alispahić, Mirsad Bežić, Delić Edib, Šefka Hasanić, Safet Jašić, Edina Jašić, Smajlović Dženita, (SDA).

Glasalo 1 glas uzdržan: Josip Jurišić (HDZ).

Predsjedavajuća OV, obzirom da je Načelnik morao napustiti sjednicu zbog dolaska delegacije, neće biti brifinga.

VIJEĆNIČKA PITANJA I INICIJATIVE

Vijećnik Mustafa Bešić,

Pokrećem vijećničko pitanje vezano za stanje isporuke električne energije na novošeherskom kraju. Novošeherski kraj ima problema sa električnom energijom već duži niz godina. U više navrata je na ovom vijeću pokretana vijećnička inicijativa kako bi se poboljšala isporuka električne energije. Obzirom da na novošeherskom kraju djeluju dvije elektrodistribucije tražim da se uputi akt i jednim i drugim da dostave odgovor da li se i šta radi na poboljšanju električne energije na novošeherskom kraju.

22. sjednica Općinskog vijeća završena u 11,25 sati.

Zapisničar,
 Nisyeta Bašić

Sastavni dio zapisnika čini tonski zapis, a CD cjelokupne sjednice dobit će sve političke stranke koje participiraju u Općinskom vijeću Maglaj.

